

ORDENANZA Nº 14

ORDENANZA FISCAL REGULADORA DOS DEREITOS OU TAXAS POLA PRESTACIÓN DOS SERVIZOS DOS CEMITERIOS MUNICIPAIS

ARTIGO 1.- FEITO IMPOÑIBLE.

Constitúen o feito impoñible desta taxa os servizos que se presten nos cemiterios municipais de Beade, Bembrive, Cabral, Candeán, Lavadores, Pereiró, Teis e Zamáns:

- a) Concesións temporais dos cinceiros, criptas e nichos, renovación de ditas concesións nos termos da Ordenanza.
- b) Expedición dos títulos de parcelas, mausoleos, panteóns, cinceiros, criptas e expedición dos duplicados dos expresados títulos.
- c) Expedición de licencias para inhumacións, exhumacións e traslado dos cadáveres e restos.
- d) Expedición de autorizacións para transmisións do Dereito do dominio ou concesión a perpetuidade e do dereito de concesión sobre sepulturas ou parcelas entre particulares.
- e) Concesións temporais de cinceiros ou polo tempo da existencia do cemiterio, se este fose menor.
- f) Concesións temporais de parcelas ou polo tempo da existencia do cemiterio se este fose menor.

ARTIGO 2.- SUXEITOS PASIVOS.

Son suxeitos pasivos contribuíntes por esta taxa as persoas físicas ou xurídicas e entidades a que alude o artigo 35.4 da Lei 58/2003 Xeral Tributaria, que resulten beneficiarios dos servizos enumerados no artigo 1 deste texto.

ARTIGO 3.- RESPONSABLES.

1. Serán responsables solidarios xunto cos suxeitos pasivos contribuíntes, os solicitantes dos servizos, no seu caso.

2. Ademais será de aplicación nesta materia o disposto na Ordenanza Fiscal Xeral.

ARTIGO 4.- BENEFICIOS FISCAIS.

Gozarán da exención total no pagamento dos dereitos regulados na presente ordenanza:

- a) Os enterramentos na fosa de persoas mortas que estivesen regulamentariamente inscritas ou acollidas ao Padrón de Beneficencia Municipal ou Asistencia Social, sempre que os gastos de enterro non sexan, legal ou contractualmente, a cargo doutra persoa ou entidade.
- b) A expedición de Títulos, duplicados, certificacións, Documentos ou Expedientes relativos aos Servizos aos que se refire o precedente apartado coa mesma condición alí establecida.
- c) Estarán exentos das taxas correspondentes a expedición de licenzas de inhumación ou enterramento, os suxeitos pasivos membros de familias con ingresos brutos anuais per cápita inferiores a 4.500 €. A titularidade de Bens Inmóveis de Natureza Urbana, a excepción da vivenda na que residen, non deberá superar un valor catastral total de 52.054 €.

Para a determinación dos Ingresos Brutos anuais per cápita teranse en conta as seguintes normas:

- 1.1 O ingreso bruto anual per cápita calcularase dividindo a totalidade dos ingresos brutos anuais da unidade familiar entre o número de integrantes. No caso dunha persoa cun grao de discapacidade superior ao 65% computarase como se foran dúas persoas. No caso de que o grao de discapacidade estivese entre 33% e 65% computarase como 1,5.
- 1.2 No caso de persoas maiores de 65 anos, aplicarase aos seus ingresos brutos o coeficiente 0,50.
- 1.3 No caso de que o suxeito pasivo desta taxa resida só nunha vivenda aplicarase aos seus ingresos brutos o coeficiente 0,55.
- 1.4 No caso de que se dean simultaneamente as dúas circunstancias referidas nos dous parágrafos anteriores, aplicarase o coeficiente 0,35.
- 1.5 No caso de que o suxeito pasivo sexa unha persoa vítima de violencia de xénero acreditada mediante sentenza firme, ou de protección ou medida cautelar, informe do ministerio fiscal sobre

indicios de violencia de xénero, informe dos servizos sociais autonómicos ou locais, así como outras formas de acreditación establecidas na lexislación vixente (LO 1/2004 de medidas de protección integral contra a violencia de xénero e Lei 11/ 2007 para a prevención e tratamento da violencia de xénero da Comunidade Autónoma) aplicarase a súa renda o coeficiente 0,35. Este coeficiente será de aplicación durante os primeiros 5 anos contados dende a data da sentenza ou dos demais documentos acreditativos

1.6 No caso de que o suxeito pasivo sexa un/a titor/a monoparental, único/a perceptor/a de ingresos e os/as fillos/as foran menores de 18 anos, aplicarase aos ingresos brutos o coeficiente 0,55.

Poderá aplicarse este coeficiente no caso de que os/as fillos/as percibiran prestacións de carácter público con motivo de discapacidade, invalidez, orfandade e similares.

1.7 No caso de suxeitos pasivos que tendo cargas familiares, levasen en situación de desemprego máis de 22 meses ininterrompidos, aplicarase aos seus ingresos brutos un coeficiente do 0,50.

O cómputo dos 22 meses para a aplicación deste coeficiente iniciarase o 1 de xaneiro do ano anterior ao da solicitude.

1.8 No caso de suxeitos pasivos en situación de "dependencia en calquera dos seus graos", aplicarase aos seus ingresos un coeficiente do 0,50.

1.9 No caso de suxeitos pasivos dependentes do apartado 1.8 que fose maiores de 65 anos aplicarase un coeficiente do 0,35.

1.10 No caso de suxeitos pasivos do apartado 1.8 que fosen maiores de 65 anos e residan soas aplicarase un coeficiente do 0,30.

Para o desfrute desta exención deberá solicitarse expresamente ao Concello, que recabará a información pertinente doutras administracións sen que sexa preciso autorización expresa dos/as solicitantes, de conformidade co disposto nos artigos 93 a 95 da Lei xeral tributaria.

d) Estarán exentos do pagamento das taxas correspondentes á expedición de licencias de inhumacións ou enterramentos os suxeitos pasivos membros de familias que teñan a condición de familias numerosas, con ingresos brutos anuais per capita inferiores a 6.780 €.

O ingreso bruto anual per cápita calcularase dividindo a totalidade dos ingresos brutos anuais da unidade familiar entre o número de integrantes. No caso dun menor de 25 anos cun grao de discapacidade superior ao 65% computarase como se foran dúas persoas. No caso de que o grao de discapacidade estivese entre 33% e 65% computarase como 1,5.

Para desfrutar desta exención deberá solicitarse expresamente.

ARTIGO 5.- COTAS.

A. Concesións temporais

A.1. Por período de 6 anos ou fracción

A.1.1. de cinceiros sinxelos.....	146,70 €
de cinceiros dobres.....	265,35 €
A.1.2. de criptas	146,70 €
A.1.3. de nichos.....	429,40 €
A.1.4 Párvulos.....	237,45 €

A.2. Por período de 50 anos

A.2.1. de nichos.....	2.397,05€
A.2.2. de cinceiros.....	418,15€
A.2.3. de parcelas exclusivamente (m2 ou fracción).....	418,15€

Nas concesións a que se refire o apartado A.2 anterior, no momento en que o Negociado de Cemiterios notifique a iniciación do expediente para adxudicación requirirase xunto co certificado de empadramento, autoliquidación por trámite do expediente de concesión por importe de 35 euros.

No caso de que a concesión non fose levada ata o final sexa por renuncia, impago ou calquera outra causa imputable á persoa interesada, o expediente pecharase sen dereito a devolución do importe ingresado pola tramitación.

B. Renovación por catro anos das concesións recollidas no apartado A.1.

B.1. de cinceiros sinxelos.....	95,60 €
de cinceiros dobres.....	180,80 €
B.2. de criptas.....	95,60 €
B.3. de nichos.....	287,90 €
B.4. de párvulos.....	237,45€

C. Expedición de títulos de sepulturas e parcelas

C.1. de mausoleos, panteóns, parcelas, cinceiros, criptas e nichos, así como duplicados dos mesmos.....	22,60 €
---	---------

D. Expedición de Licenzas.

D.1. Inhumacións.

Entenderase por inhumación o enterramento de cadáveres e toda clase de restos que impliquen a apertura ou peche de oco para enterramento, tanto nichos, cinceiros, panteóns, etc.

	Terra	Nichos e Cinceiros	Criptas, panteón e mausoleos
Adultos e párvulos.....	40,65.....	69,80.....	154,45€
Fetos e restos anatómicos.....			17,80€

D.2.Exhumación 52,80 €

As anteriores licenzas comprenden amais da autorización administrativa propia desta ordenanza, a correspondente autorización para realizar obra menor.

E. Transmisións do dereito de concesión e uso ou aproveitamento, entre particulares

E.1. De terreos por cada 3 m2.

E.1.1. Hereditarios.....	33,65 €
E.1.2. Intervivos.....	598,85 €

E.2. Nichos e criptas por unidade

E.2.1. Hereditarios.....	33,65 €
E.2.2. Intervivos.....	180,80 €

E.3. de cinceiros

E.3.1. Hereditarios.....	10,95 €
E.3.2. Intervivos.....	45,00 €

E.4. De panteóns e mausoleos por unidade

E.4.1. Hereditarios.....	237,45 €
E.4.2. Intervivos.....	898,80 €

No caso de que notificadas as autorizacións para transmisión a que se refire este apartado E), a transmisión non fose efectiva, as persoas interesadas terán dereito a devolución do 90% das cotas ingresadas en concepto das citadas autorizacións.

F. Taxa de mantemento e limpeza.

F.1. Persoas donas e concesionarias de panteóns, capelas, mausoleos e criptas, por unidade e ano.....38,05 €

F.2. Persoas donas e concesionarios de nichos por un ano,
unha ou dúas bocas de nichos..... 10,10 €
3 ou 4 bocas..... 18,80 €

F.3. Sepultura en terra por unidade e ano 2,95 €

O devengo desta taxa aludida no apartado F) prodúcese o 1 de xaneiro do ano en curso.

ARTIGO 6.- DEVENGO.

Nace a obriga de contribuír por esta taxa no momento en que se inicia a prestación dos servizos, entendendo a estes efectos que dito inicio se produce coa solicitude dos mesmos, con excepción das taxas a que alude o apartado F) do artigo anterior que se devengan o 1 de Xaneiro de cada ano.

ARTIGO 7.- INGRESO.

1. Os suxeitos pasivos efectuarán ingreso do importe da taxa desta ordenanza polo procedemento de autoliquidación.

2. As taxas correspondentes ás concesións do apartado A.2.1 do artigo 5 desta Ordenanza poderán ingresarse polo seu importe total ou ben en fraccións, no caso de que se trate de nichos en construción. As posibles fraccións faranse da seguinte forma:

1ª liquidación

No momento da notificación do acordo de adxudicación.....600,80 €

2ª liquidación

Unha vez aprobadas certificacións de obras por importe equivalente ao 50% do total do proxecto.....891,40 €

3ª liquidación

A recepción provisional da obra e outorgamento do título de concesión 904,85 €

Os acordos de adxudicación destas concesións por cincuenta anos estarán condicionados o pagamento das cantidades sinaladas no apartado A.2. do artigo 5 desta Ordenanza.. En todo caso, quedará sen efecto a adxudicación, sen necesidade de notificación expresa, cando

se producira o impago da totalidade ou dalgunha fracción, no prazo dun mes contado dende a finalización do prazo para pagamento que se fixa na notificación correspondente.

ARTIGO 8.- NORMAS ADICIONAIS.

1. As concesións aludidas no apartado A.1 do artigo 5 de nichos e criptas de propiedade municipal será por 6 anos, sen que se admita outro período distinto. Estas concesións só poderán renovarse por un período de 4 anos e por unha soa vez.

2. As concesións de nichos e criptas só se outorgarán para a inmediata utilización dos mesmos, previa presentación da licencia de enterramento.

3. Transcorridos seis anos ou dez en caso de renovación -dende o enterramento retiraranse as cinzas das criptas ou nichos ao osario xeral ou cinceiro no seu caso.

4. O concesionario dun nicho poderá exhuma-las cinzas antes do termo da concesión, pero automaticamente perderá entón os seus dereitos e o nicho ou cripta quedará a disposición do Concello, sen que poida reclamarse a devolución de ningunha cantidade.

5. Enténdese caducada a concesión na que a renovación non se solicite nos 15 días seguintes á data de caducidade da licencia.

6. Prohíbese a concesión e renovación de sepulturas en terra, procedéndose a levantar as cinzas polo Servizo de Cemiterios cando se cumpra o tempo regulamentario de inhumación, retirando aquelas ao osario xeral.

7. As concesións outorgadas a partir da entrada en vigor desta Ordenanza, serán intransmisibles por un período de 5 anos -contados dende o seu outorgamento- salvo que o adxudicatario perda a condición de residente neste Municipio.

8. As transmisións intervivos ou mortis causa, das concesións superiores a 6 ou 10 anos, entenderanse polo tempo que resta da devandita concesión.

ARTIGO 9.

1. Só poderán inhumarse en sepulturas que non sexan de propiedade municipal, os cadáveres do titular, de familiares no terceiro grao de consanguinidade ou afinidade. Excepcionalmente, por mor de

necesidade, apreciadas discrecionalmente pola Alcaldía e previo informe do Xefe do Negociado de Cemiterios, poderá autorizarse a inhumación en sepulturas particulares de persoas distintas das mencionadas.

2. Prohíbese en todo caso a inhumación en criptas ou nichos obxecto de concesión temporal de persoas distintas das mencionadas no apartado anterior ou do caso previsto no mesmo.

3. As exhumacións e traslados verificados antes dos cinco anos satisfarán dobres dereitos.

ARTIGO 10.

Prohíbese terminantemente a concesión a perpetuidade de nichos e criptas de propiedade municipal.

ARTIGO 11.

1. Nas exhumacións que se realicen, as lápidas existentes serán retiradas polos propietarios das mesmas no prazo máximo de cinco días naturais. Transcorrido o dito prazo, sen que fosen retiradas, o persoal municipal farase cargo delas para proceder a súa destrución.

2. A conservación, limpeza e ornato de todo xénero será por conta dos donos das mesmas. En caso de notorio abandono e trala cominación con resultado negativo, serán sancionados pola Alcaldía, con multas por desobediencias e feitas a custa destes as necesarias obras de adecentamento. A reincidencia será causa de caducidade da concesión, sen dereito a indemnización. Tratándose de sepulturas en propiedades non municipais, en estado de ruína, o Concello procederá a súa demolición e retirará os atributos e obxectos deteriorados sen indemnización ningunha.

ARTIGO 12.

Para a colocación de cruces, lápidas, obxectos de adorno en xeral, para toda clase de obras en tódolos cemiterios municipais, solicitarase a correspondente licencia do negociado correspondente e terase en conta o disposto na Ordenanza que regula a concesión de licencias para construcións e obras.

ARTIGO 13.

As licencias para inhumacións, exhumacións e traslado de cadáveres, expedición de títulos, autorizacións para transmisións de titularidade, concesións e renovacións, serán expeditas polo Negociado de Cemiterios, por rigorosa orde de presentación de solicitudes.

ARTIGO 14.

Para a concesión de cinzeiros requírese autorización da Alcaldía que se fará constar na instancia, e para a de parcelas necesitarase acordo da Xunta de Goberno Local.

ARTIGO 15.

Os encargados dos cemiterios esixirán as autorizacións e xustificacións correspondentes ao servizo de que se trate, a fin de asegurar o cumprimento de tódalas prevencións na presente Ordenanza.

ARTIGO 16.

O Xefe de Negociado de Cemiterios levará os rexistros, libros e planos necesarios para coñecer en todo momento o detalle e situación das propiedades municipais, concesións temporais, importe da recadación polos diversos conceptos desta Ordenanza e tódolos datos de interese para a boa marcha do Servizo.

ARTIGO 17. - INFRACCIÓNS E SANCIÓN.

Nesta materia será de aplicación a Ordenanza Fiscal Xeral do Concello e Lei Xeral Tributaria.

DISPOSICIÓN FINAIS.

1ª. No non previsto na presente Ordenanza Fiscal será de aplicación as disposicións do Regulamento de sanitaria mortuoria de Galicia, aprobado polo Decreto 151/2014, a Ordenanza Fiscal Xeral, Lei 58/2003 Xeral Tributaria e restante normativa de aplicación.

2ª. Esta modificación entrará en vigor ao día seguinte da súa publicación no BOP e comenza a aplicarse o 1 de xaneiro de 2024 permanecendo vixente en tanto non se acorde a súa modificación ou derogación expresa.

PUBLICACIÓNS B.O.P.:	23 DE DECEMBRO DE 1992
	27 DE DECEMBRO DE 1995
	30 DE DECEMBRO DE 1996
	30 DE DECEMBRO DE 1999
	27 DE DECEMBRO DE 2000
	30 DE NOVIEMBRE DE 2001
	26 DE DECEMBRO DE 2002
	30 DE DECEMBRO DE 2003
	29 DE NOVIEMBRE DE 2004

7 DE DCEMBRO DE 2005
30 DE DCEMBRO DE 2006
10 DE DCEMBRO DE 2007
10 DE DCEMBRO DE 2008
11 DE DCEMBRO DE 2009
14 DE DCEMBRO DE 2010
22 DE NOVEMBRO DE 2011
21 DE DCEMBRO DE 2012
30 DE OUTUBRO DE 2014
7 DE DCEMBRO DE 2017
12 DE NOVEMBRO DE 2019
4 DE DCEMBRO DE 2023